



Fedje kommune

Møtebok for Kommunestyret

Møtedato: 24.04.2018
Møtestad: Slissøyana/skarvøyana - det sosiale rommet
Møtetid: 18:15 - 20:00

Møtedeltakarar	Parti
Marit Solbakk Øien	
Gidske Borge Kolltveit	Ap
Terje Blomvågnes	Ap
Bjørn Solbakk	Frp
Ottar Tangen	Frp
Erling Walderhaug	H
Paul Gunnar Gullaksen	H
Stian Herøy	H
Torill Hermansen Horgen	H
Roy-Asle Tungland	Krf
Tove Nordseth	Krf
Møtedeltakarar vara	Parti
Kristin Aase	Ap
Paul Magnar Knapskog	H
Maria Thomassen	Krf
Forfall meldt frå følgjande medlemmar:	Parti
Kristin Handeland	Ap
Stian Storemark	Ap
Tonje Sulen Gullaksen	H
Ingmar Stuberg	Krf

Følgjande møtte frå administrasjonen:
Ingebjørg Vamråk, Signe Råheim

Sakliste

Saknr	Tittel
010/18	Godkjenning av møteinnkalling og sakliste
011/18	Godkjenning av møtebok
012/18	Referatsaker
012/18.5	Rådmannen orienterer kommunestyret 24.04.18
013/18	Delegering av mynde etter hamne- og farvasslova § 10
014/18	Endring i selskapsavtalen til Interkommunalt Arkiv i Hordaland IKS
015/18	Framlegg om oppgradering av badestranda og området rundt
016/18	Fritak frå politiske verv
017/18	Søknad om skjenkeløyve Pernillekafeen
018/18	Søndagsope butikk
019/18	Nytt delegeringsreglement

Sakspapir

Saksbehandler	Arkiv	ArkivsakID
Signe Råheim	FE - 033	18/193

Saksnr	Utvalg	Type	Dato
010/18	Kommunestyret	PS	24.04.2018

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Kommunestyret - 010/18

K - behandling:

Sak 019 vert strøke ut og teke oppat når den er ferdig.

K - vedtak:

Møteinnkalling og sakliste vert godkjent. Samrøystes vedteke.

Sakspapir

Saksbehandler	Arkiv	ArkivsakID
Signe Råheim	FE - 033	18/193

Saksnr	Utvalg	Type	Dato
011/18	Kommunestyret	PS	24.04.2018

Godkjenning av møtebok

Vedlegg:

Møtebok - Kommunestyret - 20.02.2018 (L)(41587)

Protokoll - Kommunestyret - 20.02.2018

Saksutgreiing:

Forslag til vedtak:

Møtebok frå sist møte vert godkjent.

Kommunestyret - 011/18

K - behandling:

Tove Nordseth(Krf) ønskjer at det vert referert at ho tok opp vedtektene til SFO i førre kommunestyremøte.

K - vedtak:

Møtebok frå sist møte vert godkjent. Samrøystes vedteke.

Sakspapir

Saksbehandler	Arkiv	ArkivsakID
Signe Råheim	FE - 033	18/193

Saksnr	Utvalg	Type	Dato
012/18	Kommunestyret	PS	24.04.2018

Referatsaker

Underliggende saker:

Saksnummer	Tittel
012/18.1	Fråsegn vedr avgjerd om nedlegging av Bergen fengsel avdeling Osterøy

Saksnummer	Tittel
012/18.2	Implementering av dataverktøyet BrukerPlan

Saksnummer	Tittel
012/18.3	Kontrollrapport 2017 vedrørende skatteoppkreverfunksjonen i Fedje kommune

Saksnummer	Tittel
012/18.4	Region Nordhordland - prioritering av skjønsmidler 2018

Saksnummer	Tittel
012/18.5	Rådmannen orienterer kommunestyret 24.04.18

Saksutgreiing:

Forslag til vedtak:

Referatsaker vert tekne til orientering.

Kommunestyret - 012/18

K - behandling:

K - vedtak:

Referatsaker vert tekne til orientering. Samrøystes vedteke.

Sakspapir

Saksbehandler	Arkiv	ArkivsakID
Ingebjørg Vamråk		18/175

Saksnr	Utvalg	Type	Dato
012/18.5	Kommunestyret	RS	24.04.2018

Rådmannen orienterer kommunestyret 24.04.18

Saksutgreiing:

Bakgrunn

Munnleg orientering frå rådmannen.

Emner

Saker personal, mellom anna nye tilsetjingar

Planarbeid, oppstart nye planar

Planarbeid, status pågåande planar

Open dag på kommunehuset

Omorganisering

Status sommarsesong: båtruter, markering av jomfrutur, brosjyrer, nettside, tilrettelegging av tilbod for turistar, mm.

Status næringssaker

Status tilflytting

Status NAV, kort og lang sikt

Status ferje

Eventuelt

Forslag til vedtak:

Orienteringa blir teken til vitande.

Kommunestyret - 012/18.5**K - behandling:**

Rådmannen orienterer om båtruta frå Bergen til Fedje. Båtruta kjem til å gå frå Bergen til Fedje frå 2. Båten går frå Bergen og kjem til Fedje og vert liggande i 4timar, for så gå tilbake til Bergen. Det vert ei markering av opninga av båtruta den 2.juni.

Det vert arbeida med brosjyre og nettside, som heiter destinasjon Fedje. I tillegg blir det arbeidd med ulike aktivitetstilbod.

Open dag på kommunehuset 24.mai. Der folk kan kome å sjå kva folk arbeider med.

Det vert utlyst stilling som helse og omsorgsleiar.

Den felles oppvekstsjefen med Austrheim vert lagd på is, fordi Austrheim kommune ikkje kan gå vidare med denne saka på noverande tidspunkt.

Status tilflytting: det er mange som vel å flytte hit etter kort tid. Det er fleire som søker på dei utlyste jobbane.

Oppdatering om NAV. Det har vore vanskeleg å få til ein avtale om korleis ein skal handtere dei sosiale sakene. Desse sakene vert handsama av NAV Austrheim inntil vidare.

Rådmannen arbeider med å få ei løysing når NAV legg ned NAV Fedje. Det pågår eit arbeid med dette.

Kommunen held på med ein reiselivsplan, som går etter planen. Det vert eit felles møte med aktørarane i bransjen.

Sentrumsplan/moglegheitsstudiet. Den går også etter tidsplanen som er satt opp. Det vart signert avtale med firma Vil urbanisme i går. Planen skal vere ferdig i haust og har vore ute på priskonkurranse.

K - vedtak:

Sakspapir

Saksbehandler	Arkiv	ArkivsakID
Ingebjørg Vamråk		18/174

Saksnr	Utvalg	Type	Dato
021/18	Formannskapet	PS	10.04.2018
013/18	Kommunestyret	PS	24.04.2018

Delegering av mynde etter hamne- og farvasslova § 10

Vedlegg:

Framtidig selskapsstruktur BOH AS. Etablering av IKS (L)(32819)

#8735992v1 - Selskapsavtale for Bergen og Omland Havn IKS

#8993051v1 - Stiftelsesdokument for Bergen og Omland Havn IKS

Bergen og Omland Havnevesen BOH - etablering av et nytt interkommunalt selskap IKS for den lovpålagte delen av havnevirksomheten i Bergensregionen_D1_H

BOH - brev fra Samferdselsdepartementet 20.12.2016 med følgebrav fra WR

BOH - brev til Samferdselsdepartementet fra WR 23.11.2016

BOH - status på sak om Bergen og Omland Havn IKS - november 2017

Saksutgreiing:

Bakgrunn

Denne saka var til handsaming i Fedje kommune, i K-sak 016/17 den 25. april (sjå vedlegg). Spørsmålet var om Fedje kommune skulle delegere mynde etter havne- og farvannsloven § 10.

Oppsummert, frå saksutgreiinga: «Fedje kommune er deleigar i Bergen og Omland Hamnevesen (BOH) AS, men det viser seg at det ikkje er råd å delegere den aktuelle mynde til eit AS. Bergen og omland Hamn AS ønskjer difor å delegere mynde etter hamne- og farvasslova § 10 til eit IKS. Spørsmålet er om Fedje kommune har motførestillingar mot dette. Tilrådinga i saka er at Fedje kommune ikkje vert med i eit nytt IKS.»

Vurderinga var som følgjer:

«Det er Kystdirektoratet/Kystverket som i praksis har hovedansvar for hamne- og farvannslova. Etter hamne- og farvannslova har kommunen mynde for dei områda som Kystdirektoratet har delegert til kommunane. Det er dette myndet Fedje kommune til no har delegert til Bergen og omland havnevesen.

Dei sakene som skal handsamast etter hamne- og farvannslova er i praksis flytebrygger, kaier og oppdrettsanlegg. Når det gjeld flytebrygger og kaier, er det ein del saker der mynde

ikkje er delegert til kommunane. Dette gjeld tiltak i dei områda der Kystverket (tidlegare Statens havnevesen) har brukt pengar. Tiltak i desse områda skal handsamast av Kystverket.

Fedje kommune skal uansett handsama søknad om løyve til flytebrygger, kaier og oppdrettsanlegg etter plan- og bygningslova. Å delegere mynde etter hamne- og farvasslova i desse sakane til eit organ utanfor kommunen, er difor urasjonelt.

Slik det har fungert til no, har ikkje BOH handsama saker der kommunen har sagt nei i medhald av plan- og bygningslova.

Sett frå ein søkjar sin ståstad, har hovedkonsekvensen av at mynde etter hamne- og farvannslova har vore delegert til BOH, vore gebyr for handsaming av søknaden både til Fedje kommune (4.000,- kr) og BOH (5.000,- kr).

Dersom mynde etter hamne- og farvannslova ikkje vert delegert, vil desse sakane verta handsama på tilsvarande vis som saker som krev løyve både etter jordlova og plan- og bygningslova, det vil sei ei sak med vedtak etter to lover.»

Konklusjonen var at det ikkje er føremålstenleg å delegere mynde etter hamne- og farvasslova, då det fører til dobbel handsaming av søknadene.

Vurdering

I etterkant av vedtaket i Fedje kommune, blei det avvikla fleire møter mellom BOH og eigarkommunane, deriblant Fedje, v/ordførarane. Der har vore drøfta ulike syn kva gjeld etableringa av eit IKS som nemnde mynde skulle overførast til. Etter at ulike innspel hadde vore drøfta, viser det seg at det no berre er Fedje kommune som ikkje har slutta seg til framlegget. Ein har difor vurdert det som føremålstenleg å ta opp spørsmålet på nytt, etter at fleire sider er blitt drøfta og belyste, i møta som ordførarane har hatt i etterkant av vårt vedtak i fjor.

Innvendinga Fedje kommune hadde i april 2017 er uendra, men dei nye sidene som no er komne betre fram, talar for at fordelane ved å vere med i dette IKS'et, overstig ulempene. Det som då er vurdert, er i samsvar med dei vurderingane fleire andre kommunar har gjort, og som synast å vere rimeleg samanfallande:

Etableringa av eit IKS som som kan ivareta Fedje kommune si utøving av mynde etter hamne- og farvasslova, sikrar at intensjonane i dagens hamne- og farvasslov blir følgde, samtidig med at ein på ein god måte, gjennom ein tenestekjøpsavtale, knyter til seg kompetansen og kapasiteten som finst i dagens BOH. Modellen med eit IKS synast òg å vere fleksibel med omsyn til ei framtidig tilpassing til eventuelle endringar i hamne- og farvasslova og IKS-lova. Begge desse lovområda er for tida under revisjon. Dersom det seinare vert opna for at oppgåvene knytt til utøving av mynde i tilknytning til hamne- og farvassforvaltninga kan delegerast til BOH AS, vil det vera relativt ukomplisert å avvikla BOH IKS, og i staden delegera til BOH AS, evt. eit dotterselskap til å ivareta kommunen sine lovpålagde utøving av mynde. Ei etablering av BOH IKS vil ikkje ha økonomiske konsekvensar for Fedje kommune.

Forslag til vedtak:

1. Fedje kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndigheitsoppgåver, jf. hamne- og farvasslova § 10, saman med dei andre kommunane i hamnesamarbeidet i dagens BOH og BOH AS.
2. Ordføraren får fullmakt til å stifte det nye hamneselskapet saman med dei øvrige samarbeids-kommunane. Dette i samsvar med vedlagte stiftingsdokument og selskapsavtale for BOH IKS, samt andre retningslinjer som kjem fram av saka, som fastsetting av endeleg opningsbalanse, gjennomføra kapitalinnskott og halda konstituerande representantskapsmøte med val av styre og revisor. Det vidare arbeidet med gjennomføringa av selskapsetableringa og overføringa av kapital/verdiar, blir ivaretatt av styret og den daglege leiinga i det nye selskapet, jf. tenestekjøpsavtale med BOH AS.
3. I medhald av kommunelova kap. 5 (interkommunalt samarbeid) og hamne- og farvasslova av 17.04.2009 nr. 19 § 10, vert Fedje kommune sitt mynde etter hamne- og farvasslova delegert til BOH IKS. Kommunestyret forutset at delegasjonen av mynde til BOH IKS ikkje innskrenkar Fedje kommune sitt høve til å setja i verk tiltak for å verna innbyggjarane si helse når helsevernstyresmaktene tilrår dette.
4. Frå Fedje kommune blir følgjande valde som medlem og varamedlem til representantskapet i BOH IKS: Medlem: Ordførar. Varamedlem: Varaordførar.

Formannskapet - 021/18

F - behandling:

F - vedtak:

1. Fedje kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndigheitsoppgåver, jf. hamne- og farvasslova § 10, saman med dei andre kommunane i hamnesamarbeidet i dagens BOH og BOH AS.
2. Ordføraren får fullmakt til å stifte det nye hamneselskapet saman med dei øvrige samarbeids-kommunane. Dette i samsvar med vedlagte stiftingsdokument og selskapsavtale for BOH IKS, samt andre retningslinjer som kjem fram av saka, som fastsetting av endeleg opningsbalanse, gjennomføra kapitalinnskott og halda konstituerande

representantskapsmøte med val av styre og revisor. Det vidare arbeidet med gjennomføringa av selskapsetableringa og overføringa av kapital/verdiar, blir ivaretatt av styret og den daglege leiinga i det nye selskapet, jf. tenestekjøpsavtale med BOH AS.

3. I medhald av kommunelova kap. 5 (interkommunalt samarbeid) og hamne- og farvasslova av 17.04.2009 nr. 19 § 10, vert Fedje kommune sitt mynde etter hamne- og farvasslova delegert til BOH IKS. Kommunestyret forutset at delegasjonen av mynde til BOH IKS ikkje innskrenkar Fedje kommune sitt høve til å setja i verk tiltak for å verna innbyggjarane si helse når helsevernstyresmaktene tilrår dette.

4. Frå Fedje kommune blir følgjande valde som medlem og varamedlem til representantskapet i BOH IKS: Medlem: Ordførar. Varamedlem: Varaordførar. Samrøystes vedteke.

Kommunestyret - 013/18

K - behandling:

K - vedtak:

1. Fedje kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndigheitsoppgåver, jf. hamne- og farvasslova § 10, saman med dei andre kommunane i hamnesamarbeidet i dagens BOH og BOH AS.

2. Ordføraren får fullmakt til å stifte det nye hamneselskapet saman med dei øvrige samarbeids-kommunane. Dette i samsvar med vedlagte stiftingsdokument og selskapsavtale for BOH IKS, samt andre retningslinjer som kjem fram av saka, som fastsetting av endeleg opningsbalanse, gjennomføra kapitalinnskott og halda konstituerande representantskapsmøte med val av styre og revisor. Det vidare arbeidet med gjennomføringa av selskapsetableringa og overføringa av kapital/verdiar, blir ivaretatt av styret og den daglege leiinga i det nye selskapet, jf. tenestekjøpsavtale med BOH AS.

3. I medhald av kommunelova kap. 5 (interkommunalt samarbeid) og hamne- og farvasslova av 17.04.2009 nr. 19 § 10, vert Fedje kommune sitt mynde etter hamne- og farvasslova delegert til BOH IKS. Kommunestyret forutset at delegasjonen av mynde til BOH IKS ikkje innskrenkar Fedje kommune sitt høve til å setja i verk tiltak for å verna innbyggjarane si helse når helsevernstyresmaktene tilrår dette.

4. Frå Fedje kommune blir følgjande valde som medlem og varamedlem til representantskapet i BOH IKS: Medlem: Ordførar. Varamedlem: Varaordførar. Samrøystes vedteke.

Sakspapir

Saksbehandler	Arkiv	ArkivsakID
Jan Torry Sande	FA - C66	16/542

Saksnr	Utvalg	Type	Dato
019/18	Formannskapet	PS	10.04.2018
014/18	Kommunestyret	PS	24.04.2018

Endring i selskapsavtalen til Interkommunalt Arkiv i Hordaland IKS

Saksutgreiing:

Bakgrunn

Interkommunalt arkiv i Hordaland IKS, vart organisert som IKS i 2002. I 2015 hadde selskapet 32 eigarar. Eigarkommunane heftar for ein eigarandel etter ein fordelingsnøkkelvekte på representantskapsmøte i 2002 samt gjort gjeldande frå 01.01.2003. eigardelen til den enkelte kommune, er beskrive i selskapsavtalen sin §5, Tilskotsplikt og eigarandel.

I følge selskapsavtalen § 5, skal eigardelane justerast kvart fjerde år som eit resultat av endringar i folketal, betalt innskot, samt ved inn- og utmelding slik at det er samsvar mellom kommunestorleik og eigarandel i selskapet. Det har i tida fram til 31.12.2014. ikkje vore endringar i folketal, betalt innskot eller utmelding frå selskapet, som kravde at eigardelane og selskapsavtalen laut endrast. Etter 31.12.2014 fekk tre eigarkommunar endra sin eigardel som følge av endringar i folketal. Desse er Fitjar, Radøy og Sveio.

Etter 2015 er det difor ikkje samsvar mellom foketal og eigardel i IKAH. Med dette som utgangspunkt, samt tilbakemelding frå ein eigarkommune om å utarbeide ein ny fordelingsnøkkel som betre speglar kommunestorleiken, fremjar Representantskapen i Interkommunalt arkiv i Hordaland IKS framlegg om følgjande:

Representantskapen vedtek justeringa i eigardelane og gjer dei gjeldande frå 01.01.2017 med atterhald om godkjenning i kommunestyra. Representantskapen gjev styret i oppdrag å førebu saksframlegg til dei enkelte kommunestyra.

Askøy kommune	4,49	Jondal kommune	1,92	Samnanger kommune	1,92
Austevoll kommune	2,78	Kvam kommune	3,63	Stord kommune	4,49
Austrheim kommune	1,92	Kvinnherad kommune	4,49	Sund kommune	3,63
Bømlo kommune	4,49	Lindås kommune	4,49	Sveio kommune	3,63
Eidfjord kommune	1,92	Masfjorden kommune	1,92	Tysnes kommune	1,92
Etne kommune	2,78	Meland kommune	3,63	Ullensvang herad	2,78
Fedje kommune	1,92	Modalen kommune	1,92	Ulvik herad	1,92
Fitjar kommune	2,78	Odda kommune	3,63	Vaksdal kommune	2,78
Fjell kommune	4,49	Os kommune	4,49	Voss kommune	4,49
Fusa kommune	2,78	Osterøy kommune	3,63	Øygarden kommune	2,78
Granvin herad	1,92	Radøy kommune	3,63	Sum:	100 %

2. Representantskapen vedtek at det skal fremjast sak til ordinært representantskapsmøte i 2017 om ny fordelingsnøkkel og eigardel som betre gjenspeglar kommunestorleik.

Vedtaket var einstemmig.

Vurdering

Ifølgje lov om interkommunale selskap § 4 skal endringar i selskapsavtalen, mellom anna endringar i eigardelane, godkjennast i alle eigarane sine kommunestyre.

Ein endra selskapsavtale for IKA Hordaland, er ikkje gyldig før alle eigarar sitt øvste politiske organ gjer eit likelydande positivt vedtak og Brønnøysundregistrene har skrevet firmaattest.

Skulle eit av kommunestyra ikkje godkjenne ny selskapsavtale gjeldande frå 01.01.2017, vil den gamle selskapsavtalen framleis gjelde, men ein vil då ikkje lenger ha samsvar mellom eigarandel og folketal i kommunen.

Folkehelse: Ikkje relevant.

Miljø: Vedtaket i saka får ingen konsekvensar for miljøet

Økonomi: For eigarane har endringa av selskapsavtalen ingen direkte økonomisk konsekvens, utover det som ein ytte i tilskot pr. 01.01.2016, samt det som er vedteke av Representantskapen for 2017. Det vert i budsjettet for 2017 lagt opp til 5% auke i eigartilskot, depotavgift og avgift for e-depot. Depotavgifta for papir går difor opp frå kr. 495,- pr hyllemeter til kr. 520.

Vi gjer merksam på at Representantskapen har gjort vedtak om at det skal fremjast sak om ny fordelingsnøkkel og eigardel, som betre speglar kommunestorleik. Saka skal leggjast fram til ordinært representantskapsmøte på Solstrand 25.april 2017.

Konklusjon

Fedje kommune har stor nytte av eit godt Interkommunalt arkiv. Kompetansen i IKAH er til uvurderleg hjelp for kommunen sine arkivtilsette. Depotdrifta held eit nivå Fedje kommune aldri hadde klart på eiga hand.

Som skrive over får ein ny selskapsavtale små økonomiske konsekvensar for Fedje kommune. Endringa i avtalen er gjort for at fordelingsnøkkelene betre skal spegle

kommunestorleiken.

Forslag til vedtak:

Kommunestyret i Fedje godkjenner Selskapsavtalen for IKA Hordaland IKS, gjeldande frå 01.01.2017.

Formannskapet - 019/18

F - behandling:

F - vedtak:

Kommunestyret i Fedje godkjenner Selskapsavtalen for IKA Hordaland IKS, gjeldande frå 01.01.2017. Samrøystes vedteke.

Kommunestyret - 014/18

K - behandling:

K - vedtak:

Kommunestyret i Fedje godkjenner Selskapsavtalen for IKA Hordaland IKS, gjeldande frå 01.01.2017. Samrøystes vedteke.

Sakspapir

Saksbehandler	Arkiv	ArkivsakID
Ingebjørg Vamråk		18/173

Saksnr	Utvalg	Type	Dato
022/18	Formannskapet	PS	10.04.2018
015/18	Kommunestyret	PS	24.04.2018

Framlegg om oppgradering av badestranda og området rundt

Vedlegg:

Prisoverslag oppgradering av badestrand

Saksutgreiing:

Bakgrunn

Det har i lengre tid vore snakka om at badestranda og området rundt denne, bør oppgraderast. I den forbindelse er det innhenta pristilbod frå Samnøy Maskin, på den delen av arbeidet som må gjerast med anleggsmaskiner. Det er ikkje henta inn tilbod frå andre aktørar, då det blei vurdert som uforholdsmessig dyrt å skulle frakte maskiner og utstyr til Fedje for ein så pass liten jobb.

Vurdering

Tilbodet frå Samnøy Maskin framstår som så godt at ein meiner det er klokt å gjere denne jobben no. Tilbodet omfattar drenering, utviding av veg ned til badestranda, steintrapp for å lette tilkomst frå plen til badestrand , samt fylling av sand i fjøra. Total kostnad er kr. 132 000.

Tiltaket vil venteleg auke trivselen både for fastbuande og tilreisande, og slik skape ein betre møteplass for folk. For å auke trivselen ytterlegare, har Fedje Idrettslag, ifølgje avtroppande leiar, tinga ny vasstrampoline som er venta tidleg i mai månad.

Det er ikkje sannsynleg at inngrepet vil påverke miljøet i negativ lei.

Kva gjeld det økonomiske, så blei det i budsjettet for 2018 sett av kr. 300 000 til oppgradering av Nordsjøløypa. Det viser seg at det ein hadde tenkt å gjere for desse midlane, blei rimelegare enn ein hadde rekna med. Det kunne kanskje vere aktuelt å bruke dei innsparte midlane i Nordsjøløypa, til oppgradering av badestranda. Dette vil imidlertid krevje budsjettendring, og må difor til kommunestyret. Vedtaket om å oppgradere badestranda bør fattast så snart råd er, for å sikre at arbeidet kan utførast før badesesongen. Ein føresler difor å finansiere oppgraderinga gjennom bruk av ubundne investeringsfond, for så å ta opp spørsmålet om budsjettposten for Nordsjøløypa på eit seinare tidspunkt.

Konklusjon

Ein bør takke ja til tilbodet frå Samnøy Maskin, og finansiere prosjektet over ubundne investeringsfond.

Forslag til vedtak:

Fedje Kommunestyre vedtek å takke ja til tilbodet frå Samnøy Maskin om oppgradering av badestranda for kr. 132 000, og finansiere dette over ubundne investeringsfond.

Formannskapet - 022/18

F - behandling:

Ap har tidlegare foreslege å lage rekkverk som folk kan støtte seg til. Stian Storemark(Ap) vil ha ei pressisering om at ein ikkje bruker av midlane til turløypa. Det vert drøfta at oppgraderinga av badestranda burde ha vore ute på anbod. Stian Storemark (Ap) føreslår at saka vert sendt vidare til kommunestyret.

F - vedtak:

Formannskapet sender saka vidare til kommunestyret. Samrøystes vedteke.

Kommunestyret - 015/18

K - behandling:

Ordførar(H) føreslår å utsette saka for å sende den tilbake til administrasjonen for å få utgreid ein meir heilhetleg plan for området. Roy Asle Tungland(Krf) føreslår at ein går for det som der med unntak av trappa. Han ønskjer å erstatte trappa med ei rekkverkløysing. Erling Walderhaug (H) føreslår at ein gjer drenering, ny sand i fjæra og lagar rekkverk. Ottar Tangen(Frp) føreslår å utsette saka. Kommunestyret røysta over forslaget.

K - vedtak:

Stian Herøy (H), Paul Gullaksen (H), Paul Knapskog (H), Torill Hermansen Horgen (H), Bjørn Solbakk (Frp), Ottar Tangen (Frp), Marit Solbakk Øien (dei uavhengige) røysta for, mens Erling Walderhaug (H), Gidske Borge Kolltveit (Ap), Terje Blomvågnes (Ap), Kristin Aase (Ap), Tove Nordseth (Krf), Maria Thomassen (Krf) og Roy Asle Tungland (Krf) røysta mot. Ordføraren sin dobbeltrøyst avgjorde røystinga. Fedje kommunestyre vedtok at saka vert utsett.

Sakspapir

Saksbehandler	Arkiv	ArkivsakID
Signe Råheim	FE - 460	17/692

Saksnr	Utvalg	Type	Dato
016/18	Kommunestyret	PS	24.04.2018

Fritak frå politiske verv

Vedlegg:

Søknad om fritak frå politiske verv

Saksutgreiing:

Bakgrunn

Kristin Handeland (Ap) har søkt om fritak frå politiske verv frå 01.03.2018 og ut valperioden 2015-2019. Ho grunngjev søknaden med at ho er tilsett i ein 100% stilling i administrasjonen i Fedje kommune, som ikkje let seg kombinere med å vere lokalpolitikar, og at ho derfor vel å prioritere arbeid framfor politiske verv.

Kristin Handeland er medlem av formannskapet og kommunestyret.

Vurdering

Det å vere tilsett i rådmannen sin stab, vil føre til at Handeland er ugild i svært mange saker, dersom ho skal halde fram i sine politiske verv. Det vil dessutan kunne vere vanskeleg å ha den eine rolla, og sjå bort frå kunnskap ein har frå den andre. Det er difor, etter rådmannen sitt syn, forståeleg at Handeland søker om fritak for politiske verv ut kommunestyreperioden. Rådmannen tilrår difor at søknaden blir innvilga.

Etter kommunelova §16 nr. 2, jf. §15 nr. 2, rykker i så fall varamedlem opp. Dette tilseier at Gidske Borge Kolltveit vert fast medlem i kommunestyre for resten av denne perioden, og at Stian Storemark vert fast medlem av formannskapet for resten av denne perioden.

Forslag til vedtak:

Kristin Handeland blir innvilga permisjon frå politiske verv frå 01.03.2018 til og med 30.09.2019. Stian Storemark blir i perioden fast medlem av formannskapet. Gidske Borge Kolltveit vert fast medlem av kommunestyret.

Kommunestyret - 016/18

K - behandling:

Rådmannen orienterte om regelverket kring kjønnsbalanse, og sa at kommunestyret måtte vurdere om Giske Koltveit skulle ha plassen i formannskapet, i steden for Stian Storemark, då det etter hennar syn ville vere den korrekte løysinga.

K - vedtak:

Kristin Handeland blir invilga permisjon frå politiske verv frå 01.03.2018 til og med 30.09.2019. Gidske Borge Kolltveit blir i perioden fast medlem av formannskapet. Gidske Borge Kolltveit vert fast medlem av kommunestyret. Samrøystes vedteke.

Sakspapir

Saksbehandler	Arkiv	ArkivsakID
Signe Råheim		18/147

Saksnr	Utvalg	Type	Dato
017/18	Kommunestyret	PS	24.04.2018

Søknad om skjenkeløyve Pernillekafeen

Vedlegg:

Uttale frå nav (L)(43686)

Uttale frå politiet (L)(43684)

Søknad om skjenkeløyve pernillekafeen

Vedlagt informasjon til søknad om skjenkeløyve

Saksutgreiing:

Bakgrunn

Pernillekafeen har etter at Fedje kafe og catering la ned drifta i Pernillekafeen vore stengt til påske. Eigarane av Pernillekafeen søkte om serverings- og skjenkeløyve i mars i år. Då rådmannen kan gje serveringsløyve som delegert vedtak, fekk Pernillekafeen serveringsløyve frå 22.03.2018. Pernillekafeen har søkt om å ha moglegheit til å ha ope alle dagar mellom kl.10.00 – 01.30, men dei har ikkje tenkt til å ha ope alle dagar.

Pernillekafeen søker om søkjer om følgjande skjenkeløyve:

Gruppe I alkohol (2,5 vol.% til 4,7 vol.%) inne frå kl.10.00 til kl.01.30 og ute frå kl.10.00 til kl.22.30

Gruppe II alkohol (4,7 vol.% til 22,0 vol.%) inne frå kl.10.00 til kl.01.30 og ute frå kl.10.00 til kl.22.30

Gruppe III alkohol (over 22,0 vol.%) inne frå kl.10.00 til kl.24.00.

Alkoholova § 1-7c plikt til å utpeike styrar og stedfortredar seier følgjande:

«For hver bevilling skal det utpekes en styrer med stedfortreder som må godkjennes av bevillingsmyndigheten.[...]»

«Styrer og stedfortreder må være ansatt på salgs- eller skjenkestedet eller arbeide i virksomheten i kraft av eierstilling. Som styrer kan bare utpekes den som har styringsrett over salg eller skjenking, herunder ansvar for å føre tilsyn med utøvelsen av bevillingen. I styrers fravær påhviler styrers plikt stedfortreder. Bevillingshaver må straks søke om

godkjenning av ny styrer dersom styrer slutter.»

«Styrer og stedfortreder må være over 20år og ha dokumentert kunnskap om alkoholloven og bestemmelser gitt i medhold av den. Dokumentasjonskravet gjelder ikke ved tildeling av bevilling for en enkelt bestemt anledning etter §1-6 annet ledd og ambulerende bevilling etter §4-5.»

«Styrar og stedfortreder må ha utvist uklanderlig vandel i forhold til alkohollovgivningen og bestemmelser i annen lovgivning som har sammenheng med alkohollovens formål.»

Ifølge alkoholova § 4-4 fjerde ledd er det forbode å skjenke alkoholdig drikk over 22 vol.% mellom kl.03.00 og kl.13.00.

Fedje kommune sin ruspolitiske handlingsplan seier at:

«Ved behandling av søknader av sals- og skjenkeløyver skal alkoholpolitiske vurderingar bli lagt til grunn. Tilgangen på alkohol bør begrensa og det bør bli ført ein restriktiv tildelingspolitikk. Ved utendørs servering, må det vurderast og takast omsyn til omliggjande område.»

Jamfør alkoholova §1-7a:

«Ved vurdering av om bevilling bør gis, kan kommunen blant annet legge vekt på antallet salgs- og skjenkesteder, stedets karakter, beliggenhet, målgruppe, trafikk- og ordensmessige forhold, næringspolitiske hensyn og hensynet til lokalmiljøet for øvrig.»

Vurdering

Uteområdet til Pernillekafeen ligg langs vegen til butikken. Det har tidlegare vore skjenking ute på uteområdet til Pernillekafeen, seinast sist sommar. Det er vanskeleg å sjå at der er sakleg grunnlag for ikkje å tilrå og gjeve skjenkeløyve no, så kort tid etter at kommunestyret tillet skjenking både på denne staden og i den nyetablerte Kafé Losen.

Folkehelse
Miljø
Økonomi

Konklusjon

Søknaden vert innvilga.

Forslag til vedtak:

Det vert gjeve skjenkeløyve til Pernillekafeen styrar for skjenkeløyve er Trond Ågotnes og stedfortreder er Mac Donald Ratcliffe.

Skjenketider for inneservering for alkoholgruppe I og II frå kl.10.00 til kl.01.30.

Skjenketider for alkoholgruppe III frå kl.13.00 til kl.24.00.

Skjenketider for uteservering for alkoholgruppe I og II frå kl.10.00 til kl.22.30.

Kommunestyret - 017/18**K - behandling:****K - vedtak:**

Det vert gjeve skjenkeløyve til Pernillekafeen styrar for skjenkeløyve er Trond Ågotnes og stedfortreder er Mac Donald Ratcliffe.

Skjenketider for inneservering for alkoholgruppe I og II frå kl.10.00 til kl.01.30. På søndagar og hellidagar byrjar skjenking kl.12.00.

Skjenketider for alkoholgruppe III frå kl.13.00 til kl.24.00 kan berre serverast inne.

Skjenketider for uteservering for alkoholgruppe I og II frå kl.10.00 til kl.22.30. På søndagar og hellidagar byrjar skjenking kl.12.00. Vedteke med 11 røyster mot 3 røystar(Krf).

Sakspapir

Saksbehandler	Arkiv	ArkivsakID
Charlotte Lilleheil		18/66

Saksnr	Utvalg	Type	Dato
020/18	Formannskapet	PS	10.04.2018
018/18	Kommunestyret	PS	24.04.2018

Søndagsope butikk

Vedlegg:

Søknad frå Matkroken

Lov om helligdager og helligdagsfred (utdrag)

Saksutgreiing:

Bakgrunn

Matkroken Fedje (MF) søker i brev av 21.februar 2018 om høve til å ha heilagedagsope i perioden 15. juni til 15. september som følgje av den store tilstrauminga til området i helgane i turistsesongen.

For at MF skal kunne ha heilagedagsope er det naudsynt at Fylkesmannen ved forskrift godkjenner at MF ligg i eit område som definerast som typisk turiststed, jf. lov om helligdagar og heilagdagsfred.

Vurdering

MF påpeiker i sin søknad at dei er avhengig av turistane for å oppretthalde eit levande og godt næringsgrunnlag for butikken, fordi ein god sommaromsetjing er naudsynt for deira høve til å dekke underskot haust og vinter. Dei leggjer også ved ein graf over omsetningstal 2017 som eit prov på auka omsetjing i sommarsesongen. I tråd med dette vil ein ekstra ope dag i helgja vera svært gunstig for MF si omsetning og moglegheit til å overleve resten av året. MF er einaste matvarebutikk i kommunen og einaste alternativ for båtfolk, campingturistar m.fl. Det er langt til alternative steder for handel i helgane, næraste er Knarvik (30 minutt med ferje og 50 minutt med bil etter det unna).

Dei trekkjer fram at dei det siste året har opplevd ein tydeleg auke i antall turistar på Fedje, spesielt i helgane. Dette er sannsynlegvis ein auke som vil fortsette å stige. Frå 2. juni vil det komme dagleg direktebåt frå Bergen. I tillegg vil båt frå Øygarden verta utvida med ein dag, frå to til tre dagar. Med dei nye båttilboda og med signalar frå reiselivsnæringa i Bergen, tydar alt på at det i år vil kome enda meir turistar enn i fjor.

Sentrumsområdet på Fedje eit viktig knutepunkt for turistnæringa på Fedje. Det er her båtane legg til kai og vi finn dei fleste tilbod som turistane nyttar seg av. Ein søndagsope butikk i området vil vere eit viktig bidrag for å videreutvikle området som turiststed og boområde.

Forslag til vedtak:

Fedje kommune søker om at Fylkesmannen ved forskrift fastset at sentrumsområdet på Fedje, som avgrensa i kartvedlegg til saka, vert godkjent som typisk turiststed i perioden 15. juni til 15. september.

Formannskapet - 020/18**F - behandling:****F - vedtak:**

Fedje kommune søker om at Fylkesmannen ved forskrift fastset at sentrumsområdet på Fedje, som avgrensa i kartvedlegg til saka, vert godkjent som typisk turiststed i perioden 15. juni til 15. september. Vedteke med 4 røystar mot Krf si røyst.

Kommunestyret - 018/18**K - behandling:****K - vedtak:**

Fedje kommune søker om at Fylkesmannen ved forskrift fastset at sentrumsområdet på Fedje, som avgrensa i kartvedlegg til saka, vert godkjent som typisk turiststed i perioden 15. juni til 15. september. Vedteke med 11 mot 3 røystar (Krf).

Sakspapir

Saksbehandler	Arkiv	ArkivsakID
Signe Råheim	FE - 033	18/193

Saksnr	Utvalg	Type	Dato
019/18	Kommunestyret	PS	24.04.2018

Nytt delegeringsreglement

Saksutgreiing:

Forslag til vedtak:

Fedje Høgre ber om at det blir lagt fram eit forslag til nytt delegeringsreglement til kommunestyremøte juni 2018.

Kommunestyret - 019/18

K - behandling:

Det vert røysta over å ta denne saka inn på sakskartet. Samrøystes vedteke.

K - vedtak:

Fedje Høgre ber om at det blir lagt fram eit forslag til nytt delegeringsreglement til kommunestyremøte 19 juni 2018. Samrøystes vedteke.